

Bosna i Hercegovina
Federacija Bosne i Hercegovine
Tuzlanski kanton
Općina Teočak
Općinski načelnik
Broj: 02-11-1058-8/25
Teočak, 18.09.2025. godine

Na osnovu člana 64. stav (1) tačka b) i člana 70. Zakona o javnim nabavkama („Službeni glasnik BiH“ broj: 39/14, 59/22 i 50/24), Pravilnika o javnim nabavkama roba, usluga i radova u općini Teočak („Službeni bilten općine Teočak“ broj: 05/23) i člana 43. Statuta Općine Teočak („Službeni bilten općine Teočak“ broj: 5/08, 2/12 i 1/22), a na Preporuku Komisije za javne nabavke Općinski načelnik d o n o s i:

ODLUKU

o rezultatima okončanog postupka javne nabavke i izboru najpovoljnijeg ponuđača

Član 1.

Prihvata se preporuka Komisije za javne nabavke iz Zapisnika o pregledu i ocjeni ponuda broj: 02-11-1058-7/25 zaključenog dana 17.09.2025. godine, Ugovor za javnu nabavku i ugradnju energeski efikasne LED rasvjete u Općini Teočak dodjeljuje se najpovoljnijem ponuđaču **Tuzex doo** Tuzla, za ponuđenu cijenu od **77.500,00 KM** bez PDV-a (slovima: sedamdesetsedamhiljadpetstotina i 0/100 KM) po ponudi broj: 11-9-1/25 od 11.09.2025. godine. Ukupna cijena sa obračunatim PDV-om iznosi 90.675,00 KM (slovima: devedesethiljadašeststotinasedamdesetpet i 00/100 KM).

Član 2.

Prijedlog Ugovora dostavit će se na potpis izabranom ponuđaču na adresu: Tuzex doo Tuzla, Husinskih rudara 5-7; 75000 Tuzla.

Član 3.

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Teočak, Centar bb, 75414 Teočak ili lično na Protokol Općine, dostaviti originale ili ovjerne kopije dokaza o činjenicama navedenim u Izjavi iz člana 45. Zakona o javnim nabavkama BiH, ne starije od 3 (tri) mjeseca od dana predaje ponude s tim da datum izdavanja dokumenata ne smije biti nakon datuma podnošenja ponude.

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Teočak, Centar bb, 75414 Teočak ili lično na Protokol Općine, dostaviti originale ili ovjerne kopije traženih certifikata i tehničkih listova radi provjere valjanosti i vjerodostojnosti istih i to za sve certifikate ili tehničke listove koje je odabrani ponuđač prethodno dostavio kao fotokopiju u ponudi prilikom nadmetanja. Datum izdavanja dokumenata ne smije biti nakon datuma podnošenja ponude.

Član 4.

Za izvršenje ove odluke zadužuje se Služba za privredu, finansije, prostorno uređenje i civilnu zaštitu općine Teočak.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke shodno članu 71. stav (2) Zakona o javnim nabavkama i bit će objavljena na web stranici općine www.teocak.gov.ba.

Obrazloženje

Postupak javne nabavke i ugradnje energetske efikasne LED rasvjete u Općini Teočak pokrenut je Odlukom o pokretanju postupka javne nabavke broj: 02-11-1058-1/25 od 21.08.2025. godine. Javna nabavka je provedena putem otvorenog postupka, obavještenje o nabavci broj: 98-1-1-60-3-42/25 od 22.08.2025. godine. Procijenjena vrijednost javne nabavke je 77.500,00 KM bez PDV-a.

Komisija za javnu nabavku koja je imenovana Rješenjem broj: 02-11-204/25 od 17.01.2025. godine, dostavila je dana 17.09.2025. godine Zapisnik o otvaranju ponuda broj: 02-11-1058-6/25, Zapisnik o pregledu i ocjeni ponuda sa preporukom za izbor najpovoljnijeg ponuđača broj: 02-11-1058-7/25 zaključenog dana 17.09.2025. godine u postupku javne nabavke i ugradnje energetske efikasne LED rasvjete u Općini Teočak.

U postupku utvrđeno je da je Komisija za javnu nabavku blagovremeno i pravilno pristupila otvaranju ponuda i ocjeni prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- ukupan broj pristiglih ponuda je 5 (pet), i to ponude od ponuđača: Ering doo Živinice, Elektrocentar Petek doo Tuzla, Kop i Ko doo Živinice, Tuzex doo Tuzla i Nexen doo Banja Luka;
- da je blagovremeno zaprimljeno 5 (pet) ponuda, i to ponude od ponuđača: Ering doo Živinice, Elektrocentar Petek doo Tuzla, Kop i Ko doo Živinice, Tuzex doo Tuzla i Nexen doo Banja Luka;
- da su neblagovremeno zaprimljene 0 ponuda

Kriterij za ocjenu ponuda je bio najniža cijena. Komisija za javne nabavke je nakon analize ponuda vezano za ispunjavanje zahtjeva iz opisa predmeta nabavke i tehničkih specifikacija konstatovala da ponuda od ponuđača Tuzex doo Tuzla ispunjava sve tražene zahtjeve tenderskom dokumentacijom. Ponuđač Tuzex doo Tuzla je dostavio ponudu u vrijednosti 77.500,00 KM. Ponude od ponuđača: Ering doo Živinice, Elektrocentar Petek doo Tuzla, Kop i Ko doo Živinice, i Nexen doo Banja Luka ne ispunjavaju tražene zahtjeve tenderskom dokumentacijom i sve su ocijenjene kao nepravilne.

Komisija za javne nabavke dala je preporuku Ugovornom organu za donošenje Odluke o izboru najpovoljnijeg ponuđača i da se ugovor po navedenom predmetu nabavke dodijeli najpovoljnijem ponuđaču Tuzex doo Tuzla.

U postupku donošenja ove Odluke, posebno su cijjenjene činjenice da je Komisija pravilno i potpuno izvršila ocjenu kvalificiranosti ponuđača, ocjenu prispjelih ponuda, shodno kriterijima iz tenderske dokumentacije.

U postupku ocjene provedenog postupka, ugovorni organ Općina Teočak – Općinski načelnik nije našao razloge nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, Pravilnikom o javnim nabavkama i tenderskom dokumentacijom.

Iz navedenih razloga, primjenom člana 64. stava (1) najniža cijena ponude, Zakona o javnim nabavkama, odlučeno je kao u članu 1. ove Odluke.

Pouka o pravnom lijeku

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostavljeno:

- Ponuđačima 5x
- a/a



Općinski načelnik

Tajib Muminović